

孟子白文

下



完全華商股份 商務印書館出版

※



八冊 每冊 一角 五分

近者武成建廟。合祀關岳。又以古今名將二十四人爲陪祀。本館特就諸公之事跡。編輯成書。顏曰模範軍人。或一人一傳。或數人合傳。探撫史料。搜羅遺聞。以淺顯之文筆。述偉大之事業。凡我軍人及一般國民。皆宜人手一編。以爲私淑之師。資而振尙武之精神。

第 八 冊	第 七 冊	第 六 冊	第 五 冊	第 四 冊	第 三 冊	第 二 冊	第 一 冊
周威藍馮	常徐郭旭	劉韓秋王	曹郭李蘇	尉李賀韓	謝王趙張	岳關	壯穆
遇繼	遇烈	世彥	子光定遲	若擒	靖弼虎	玄潛雲飛	穆穆
占光玉勝	春達侃兀	錡忠青章	彬儀礪方	德敬			

孟子卷之六

告子章句上

告子曰。性猶杞柳也。義猶桮棬也。以人性爲仁義。猶以杞柳爲桮棬。

桮。音杯。棬。音圈。皮。

孟子曰。子能順杞柳之性。而以爲桮棬乎。將戕賊杞柳。而後以爲桮棬也。如將戕賊杞柳。而以爲桮棬。則亦將戕賊人。以爲仁義與。率天下之人。而禍仁義者。必子之

言夫。

戕。音戕。聲。夫。音。音。猶。與。平。

○告子曰。性猶湍水也。決諸東方則東流。決諸西方則

西流。人性之無分於善不善也。猶水之無分於東西也。

端濫
反他

孟子曰。水信無分於東西。無分於上下乎。人性之善也。猶水之就下也。人無有不善。水無有不下。

今夫水搏而躍之。可使過額。激而行之。可使在山。是豈水之性哉。其勢則然也。人之可使爲不善。其性亦猶是也。

夫音扶
補各反

○告子曰。生之謂性。

孟子曰。生之謂性也。猶白之謂白與。曰然。白羽之白也。

猶白雪之白。白雪之白。猶白玉之白。與曰然。

與平聲

然則犬之性。猶牛之性。牛之性。猶人之性。與。

○告子曰。食色。性也。仁內也。非外也。義外也。非內也。

孟子曰。何以謂仁內。義外也。曰。彼長而我長之。非有長於我也。猶彼白而我白之。從其白於外。故謂之外也。

長上聲
下同

曰。異於白馬之白也。無以異於白人之白也。不識長馬之長也。無以異於長人之長與。且謂長者義乎。長之者

義乎。

與平聲
下同

曰。吾弟則愛之。秦人之弟則不愛也。是以我爲悅者也。故謂之內。長楚人之長。亦長吾之長。是以長爲悅者也。故謂之外也。

曰。耆秦人之炙。無以異於耆吾炙。夫物則亦有然者也。

然則耆炙亦有外與。

耆與嗜同
夫音扶

○孟季子問公都子曰。何以謂義內也。

曰。行吾敬。故謂之內也。

鄉人長於伯兄一歲。則誰敬。曰。敬兄。酌則誰先。曰。先酌

鄉人。所敬在此。所長在彼。果在外。非由內也。

長上聲

公都子不能答。以告孟子。孟子曰。敬叔父乎。敬弟乎。彼將曰。敬叔父。曰。弟爲尸。則誰敬。彼將曰。敬弟。子曰。惡在其敬叔父也。彼將曰。在位故也。子亦曰。在位故也。庸敬在兄。斯須之敬。在鄉人。

惡平聲

季子聞之曰。敬叔父則敬。敬弟則敬。果在外。非由內也。公都子曰。冬日則飲湯。夏日則飲水。然則飲食亦在外也。

○公都子曰。告子曰。性無善。無不善也。

或曰。性可以爲善。可以爲不善。是故文興則民好善。

孟

子

卷六

幽厲興則民好暴。

好去聲

或曰。有性善。有性不善。是故以堯爲君。而象以瞽瞍爲父。而有舜。以紂爲兄之子。且以爲君。而微子啟王。子比干。

今日性善。然則彼皆非與。

與平聲

孟子曰。乃若其情。則可以爲善矣。乃所謂善也。

若夫爲不善。非才之罪也。

夫音扶

惻隱之心。人皆有之。羞惡之心。人皆有之。恭敬之心。人皆有之。是非之心。人皆有之。惻隱之心。仁也。羞惡之心。

義也。恭敬之心。禮也。是非之心。智也。仁義禮智。非由外鑠我也。我固有之也。弗思耳矣。故曰。求則得之。舍則失之。或相倍蓰而無算者。不能盡其才者也。

惡去聲舍上聲蓰音師

詩曰。天生蒸民。有物有則。民之秉夷。好是懿德。孔子曰。爲此詩者。其知道乎。故有物必有則。民之秉夷也。故好

是懿德。

好去聲

○孟子曰。富歲子弟多賴。凶歲子弟多暴。非天之降才爾殊也。其所以陷溺其心者然也。

今夫粃麥。播種而耰之。其地同。樹之時又同。淳然而生。

至於日至之時皆熟矣。雖有不同。則地有肥磽。雨露之

養。人事之不齊也。

夫音扶 憂音曉 磽音銓 苦音交 反 屨

故凡同類者。舉相似也。何獨至於人而疑之。聖人與我同類者。

故龍子曰。不知足而爲屨。我知其不爲蕢也。屨之相似。

天下之足同也。

蕢音匱

口之於味。有同耆也。易牙先得我口之所耆者也。如使口之於味也。其性與人殊。若犬馬之與我不同類也。則天下何耆皆從易牙之於味也。至於味。天下期於易牙。

是天下之口相似也。

書與嗜同下同

惟耳亦然。至於聲。天下期於師曠。是天下之耳相似也。惟目亦然。至於子都。天下莫不知其姣也。不知子都之姣者。無目者也。

姣反古卯

故曰。口之於味也。有同耆焉。耳之於聲也。有同聽焉。目之於色也。有同美焉。至於心。獨無所同。然。心之所同然者何也。謂理也。義也。聖人先得我心之所同然耳。故理義之悅我心。猶芻豢之悅我口。

○孟子曰。牛山之木嘗美矣。以其郊於國也。斧斤伐

之。可以爲美乎。是其日夜之所息。雨露之所潤。非無萌
蘖之生焉。牛羊又從而牧之。是以若彼濯濯也。人見其
濯濯也。以爲未嘗有材焉。此豈山之性也哉。

蘖五
剗反

雖存乎人者。豈無仁義之心哉。其所以放其良心者。亦
猶斧斤之於木也。旦旦而伐之。可以爲美乎。其日夜之
所息。平旦之氣。其好惡與人相近也者幾希。則其旦晝
之所爲。有梏亡之矣。梏之反覆。則其夜氣不足以存。夜
氣不足以存。則其違禽獸不遠矣。人見其禽獸也。而以
爲未嘗有才焉者。是豈人之情也哉。

好惡
去聲

故苟得其養。無物不長。苟失其養。無物不消。

長上聲

孔子曰。操則存。舍則亡。出入無時。莫知其鄉。惟心之謂

與。

舍音捨
與平聲

○孟子曰。無或乎王之不智也。

或與同

雖有天下易生之物也。一日暴之。十日寒之。未有能生

者也。吾見亦罕矣。吾退而寒之者至矣。吾如有萌焉何

哉。

易去聲
暴步見音現

今夫弈之爲數。小數也。不專心致志。則不得也。弈秋。通國之善弈者也。使弈秋誨二人弈。其一人專心致志。惟

弈秋之爲聽。一人雖聽之。一心以爲有鴻將至。思援

弓繳而射之。雖與之俱學。弗若之矣。爲是智弗若與。

曰。非然也。

是夫音扶繳音灼射食亦反爲是之爲去聲音若與之與平聲

孟子曰。魚。我所欲也。熊掌。亦我所欲也。二者不可得兼。

舍魚而取熊掌者也。生。亦我所欲也。義。亦我所欲也。二

者不可得兼。舍生而取義者也。

舍上聲

生亦我所欲。所欲有甚於生者。故不爲苟得也。死亦我

所惡。所惡有甚於死者。故患有所不辟也。

辟皆去聲下同

如使人之所欲莫甚於生。則凡可以得生者。何不用也。

使人之所惡莫甚於死者。則凡可以辟患者何不爲也。
由是則生而有不用也。由是則可以辟患而有不爲也。
是故所欲有甚於生者。所惡有甚於死者。非獨賢者有
是心也。人皆有之。賢者能勿喪耳。

喪去聲

一簞食。一豆羹。得之則生。弗得則死。噓爾與之。行道

之人弗受。蹴爾而與之。乞人不屑也。

食蹴音噓反。噓六呼反。故

萬鍾則不辨禮義而受之。萬鍾於我何加。爲宮室之

美。妻妾之奉。所識窮乏者得我與。

與爲平聲。聲

鄉爲身死而不受。今爲宮室之美爲之。鄉身死而不

受。今爲妻妾之奉爲之。鄉爲身死而不受。命所識窮乏者得我而爲之。是亦不可以已乎。此之哭其本心。

鄉爲竝去聲爲之爲竝如字

○孟子曰。仁。人心也。義。人路也。

舍其路而弗由。放其心而不知求。哀哉。

舍聲

人有雞犬放。則知求之。有放心而不知求。

學問之道無他。求其放心而已矣。

○孟子曰。今有無名之指。屈而不信。非疾疢害事也。如

有能信之者。則不遠秦楚之路。爲指之不若人也。

伸信與同

爲去聲

指不若人則知惡之心不若人則不知惡此之謂不知

類也

惡去聲

○孟子曰拱把之桐梓人苟欲生之皆知所以養之者至於身而不知所以養之者豈愛身不若桐梓哉弗思甚也

○孟子曰人之於身也兼所愛兼所愛則兼所養也無尺寸之膚不愛焉則無尺寸之膚不養也所以考其善不善者豈有他哉於已取之而已矣